

**Ọkwukwo izi  
ke Mbom  
Pọlu gbaznennu  
Timoti  
Nhne gbasiri ọkwukwo izi ka**

Timoti snornu Pọlu zne izne, rnụ masị ẹrnu izi ọma Karaịsi. Timoti nụ Pọlu nwernu otu ọkwnata mkpọma, kam kpayarụ, Timoti nụ lele nnwọ ke Pọlu mụrnu (1:2). Timoti bụ nye ẹrnu ke Pọlu kwnatarụ mkpọma k'agida.

Ọ bụ n'ezi nụ Pọlu gbaznennu Timoti ọkwukwo izi ka, kọvu o kwuru agida nhne ke gbasiri kpakara ọgbako Chiokike. Pọlu kaḡaru kpa be jeeji nọhohu ele risi ọgbako Chiokike. Ọ kaa nụ ele Karaịsi kwesiri neekpenu ibne be okpukpe. A nwernu otu Chiokike nụ Karaịsi Jizọsi, nye nwernu rikne o kwuru aḡ zneknusi Chiokike.

**Nhne zị n'ọkwukwo izi ka**

Obekwu ikwu (1:1,2)

Budnu ọgbako Chiokike (1:3---3:13)

Nhne tugwaru otugwa ke okpukpe aḡ (3:14-16)

Pọlu znirni Timoti ezni (4:1---6:21)

<sup>1</sup> Mawa, Pọlu, nye izi Karaịsi Jizọsi lele kpa Chiokike Nye Ọznohia aḡ nyernu n'iwu nụ ke Jizọsi Karaịsi nye bụ olile anya aḡ.

<sup>2</sup> M naagbaznenu Timoti nnwọ m n'ezi n'ọkwnata ovu ọkwukwo.

Chiokike Nda aḡ, nụ Nyenwe aḡ Jizọsi Karaịsi nyee i oru, obirizi nụ udno.

*Anụ zeru iznizni  
aghalaghala*

<sup>3</sup> Lele kpa me kannụ ị nga me neezne Masi-donia, daziri n'Efesosi ma i bnosni ele zni iwu aghalaghala ma be kwụsi o zni nhne nụ kpa.

<sup>4</sup> Be túwhuma ige o zni ọtnutnu ruwhere nụ osnusno ọmumu kwó okwo. Kpakara nhne ka, tñunuma be jeeme ọnu Chiokike ke hi n'ọkwnata ovu neezne nụ ruwhnu, be noovuya okewa. <sup>5</sup> Ka bụ ma i zni ele badnụ be whnụrita n'anya hite nụ mkpoma zị snam nụ ovu bụru ọma nụ ezi ọkwnata ovu.

<sup>6</sup> Agwna ele badnụ kpawhulem, snornu ikwu-ọnu etekne. <sup>7</sup> Be noopio ọ bụru ele zni iwu, kọvu be máa nhne be nookwu, ọ bụ n'ezi be nookwusi a rikne.

<sup>8</sup> A magwụ nụ iwu bụru ọma, ọ bụru badnụ mekwa a nkari. <sup>9</sup> A magwụ nụ be kwnóge ele mee mma bita iwu, kọvu ele noolulu iwu nụ ele risi rikne, ma ele máa Chiokike, nụ ele mmehie, ele zila richna, ele tú ogwnu Chiokike, ma ele noogbu badnụ, ele noogbu nne nụ nda be, <sup>10</sup> ele neeme ọyi, nụ omekọrita nyerukna nụ ibne a, nụ omekọrita nyerinya nụ ibne a, ele neerne ọhi, ele aghalaghala, ele kwú ezi ọka n'ikpe, nụ kpakara nhne ọbula ke neemegidne iznizni ka zị snam.

<sup>11</sup> Iznizni ka bụ izi ọma wam ke zị igwugwu ke hi n'aka Chiokike nye nwe ngozi. Chiokike nyernu m izi ọma ka n'aka me bita.

*Oru Nyenwe aị  
nyernu Pọlu*

<sup>12</sup> M nọotunu Karaịsi Jizọsi Nyenwe aị mmamma nye nyernu m rikne, nye gwnụsiri m nye kwesiri ọkwnata ovu, mee m bụru nye nọornu a ọnu. <sup>13</sup> Ọ

bụ n'ezị nụ m bụ m nye nookwulu a nụ mbom nụ nye kpaknarnu ele ke a ɛhni, nụ nye mee nhne rikne, kovu o donu m obirizi kwnornu nụ m mernu m kpakara nhne ka nụ oma ama nụ okwe ekwe. <sup>14</sup> Nyenwe aị wukwasiri m oru a zị agida nụ okwnata ovu nụ owhnun'anya a ke zị nụ rime Karaịsi Jizosi.

<sup>15</sup> Ka bụ ikwu-onu ke kwesiri okwnata ovu, ke nye obula kwesiri o kweru, Karaịsi Jizosi varu n'owa o znohia ele mmehie, me bụ nye risi ele mmehie. <sup>16</sup> Ka bụ nhne kpaharu Chiokike jiri donu m obirizi, me nye risi ele mmehie ma Karaịsi Jizosi gesi osnuta ovu a zị ogologo ma m buru m nhne atụ nyee ele jeekweru nụ ya ma be nwehia budnu kwó okwo. <sup>17</sup> Kina, eze ke zị okwnukokwnu, nye nwú onwu, nye be whnú anya, nye ya nụ nsnunu a bụ Chiokike, ya nụ nsnunu a nwe igwugwu nụ oson'anya tim tom. Amim.

<sup>18</sup> Timoti nnwo m, m neenye i iwu ka lele kpa owhnurninya be whnurnu gbasiri i n'ige wheru ewhe, snornu nhne be kwuru gbasiri i, ma i nwernu rikne lu ogwnu oma lele nye Karaịsi.

<sup>19</sup> Jikwasi okwnata ovu i rikne nụ ovu zị snam. Agwna ele badnu ghasaru be, ke kpaharu ogbo okwnata ovu be kpuru. <sup>20</sup> N'esilawuru be bụ Hajmenousi nụ Alekizanda ele me sigbasiri n'aka Setani ma be muhia gharu o kwulu Chiokike.

## 2

### *Kpa be kpe okpukpe*

<sup>1</sup> Ke mbom, m naakaa, anu kpe okpukpe nụ risi kpakara ele badnu, noorio aririo, nootunu Chiokike mmamma. <sup>2</sup> Anu kpenu ele eze nụ kpakara ele

zị n'òchichi okpukpe, ma a wuru bụdnu udno nụ bụdnu bụru ọma, nọotu ogwnu Chiokike. <sup>3</sup> Ka bụ nhne bụru ọma, ke nọoso Chiokike Nye Ọznohia aị mkpọma n'ọnu, <sup>4</sup> kwnornu nụ Chiokike noopio ma ọ znohia kpakara ele badnụ, ma be mahja ezi ọka.

<sup>5</sup> Otu Chiokike zị, otu nye ibno zị n'esilawuru Chiokike nụ badnụ. Nye ibno wam bụ Karaịsi Jizọsi, <sup>6</sup> nye gweru ẹhni a nyega ma ọ bụru nhne ọgbahia ke kpakara badnụ. Chiokike gesiri aị ka n'ige kwesiri. <sup>7</sup> Ka bụ nhne mernu Chiokike hohiaru m ma m bụru nye nọokpo okwo nụ nye izi. Ka bụ ezi ọka, ọ bụo aghalaghala, Chiokike hohiaru m ma m bụru m nye zni nhne ke ezi ọka ọkwnata ovu ke ele bụo ele Ju.

<sup>8</sup> M noopio nụ rime ọgbako ọbula ele rukna chilizo aka lawuru zị nsọ n'okpukpe ẹnwe ovu owe ẹhni nụ agigo.

<sup>9</sup> M noopio ele rinya masị yiri ẹyi lele kpa o kwesiri, ke bụru ọma n'anya. Ele rinya kpá risi gburu okne ọnu, mọbu turu golu mọbu palị, mọbu woru iwo gburu okne ọnu, <sup>10</sup> kọvu rnụ ẹnu ọma, bụ ke kwesiri ele rinya ele ka nụ be neekpenu Chiokike.

<sup>11</sup> Ele rinya kwesiri ọ daziri bii, mụhia nhne hite n'orube risi. <sup>12</sup> M kwéle m nyerinya zni nhne mọbu ziri nụ risi nyerukna, o kwesiri ọ daziri bii. <sup>13</sup> Kwnornu nụ Chiokike beru ọsno kpụ Adam, omekwo, ọ kpụ Ivu. <sup>14</sup> Setani dúhiele Adam, kọvu o duhieru nyerinya wam, ọ ghọ nye mmehie. <sup>15</sup> Kọvu Chiokike jọoznohia ele rinya hite n'ọmumu nnwọ\* ọ bụru nụ be jeenwe ọkwnata ovu,

---

\* **2:15** hite n'ọmumu nnwọ mọbu nụ ọmumu nnwọ

nụ ọwhnun'anya, nụ ọzi nsọ nụ anya udno.

### 3

#### *Ele risi ọgbako Chiokike*

<sup>1</sup> Ka bụ ikwu-ọnu ke kwesiri be kwnata ovu. Ọ bụru nụ nye ọbula ke pioru ọ bụru nye risi ọgbako Chiokike, o noopio nhne bụru ọma. <sup>2</sup> Kịtna, nye risi ọgbako Chiokike jọburu nye nwée ọtna, nye nwernu otu nnwerne, nye anya udno, nye mkpọma duru ẹli, nye be nọsonu anya, nye nookwubna ele izne, nye nwernu rikne o zni nhne, <sup>3</sup> nye nwó okne manya, nye méé nhne rikne, enwerne badnụ, nye zá nookno ọka, nye whnúge iwai n'anya.

<sup>4</sup> Nye risi ọgbako Chiokike jọburiri nye nwernu rikne chikwa ezi-nụ-oro a nkari, rụmu a jọburu ele noobnonu a nsni, nọoso a anya. <sup>5</sup> (Ọ bụru nụ nye ọbula nwée rikne chikwa ọro a nkari, ndaa kpa o jeenwe rikne legidne ọgbako Chiokike anya?) <sup>6</sup> Ọ jọburu nye varu ikne n'ọgbako Chiokike, ọ zị o mee oknomokno, dnabna n'otu ikpe ọmuma wam lele Ekwensu. <sup>7</sup> Ọ jọburu nye nwernu rẹwhna ọma n'ederezi, ọ zị ọ dnabna nụ nhne iwhnerne nụ mbịta Ekwensu.

<sup>8</sup> Ele dikneni masi jọburu ele be nọsonu anya, ele ezi ọka, ele nwó okne manya, ele zá noopio iru zile ezi. <sup>9</sup> Be jeeji mkpọma bụru ọma jidnesi ezi ọka ke Chiokike nyernu aị rikne gbasiri ọkwnata ovu. <sup>10</sup> Be jeebe ọsno kpa be iru, ọ bụru nụ ọ zá nhne ke megidnerneru be, be bụru dikneni ọgbako Chiokike.

<sup>11</sup> Ele nnwerne be masị jọburu ele nwernu ọson'anya, ele zá nookwu ọka etekne, kọvu ele ovu ọma, ele be kwesiri ọ tụtkwasi ovu nụ kpakara nhne.

<sup>12</sup> Nye dikneni jọburiri nye nwernu otu nnwerne, nye nẹchikwa rụmu a nụ ezi-nụ-oro a nkari. <sup>13</sup> Ele nọornu ọnu be nkari jeenwehia ovulizọ n'olu buru ọma, be joogwuzosi rikne n'okwnata ovu ke zị nụ rime Karaịsi Jizọsi.

*Nhne tugwaru otugwa  
ke okpukpe ai*

<sup>14</sup> M naagbanụ i ọkwukwo ka, ọ bu n'ezi nụ m neele anya nụ m jaava wara wara. <sup>15</sup> Kọvu ọ buru me gbu ọkwnu, m naagba ma i mahia kpa ele badnụ jaabita ẹhni be nụ ezi-nụ-oro Chiokike ke bu ọgbako Chiokike ke zị budnu, ke bu nsnusnu oro nụ ntụ-ẹli ezi ọka. <sup>16</sup> A zá neesigha ọka, nhne tugwaru otugwa ke okpenu Chiokike zị agida, Jizọsi whuyaru iwhne n'anọ-ẹhni,

Enine Nso gbarụ akebne a,  
ele enine izi whnurnu a,  
be kporu okwo a n'esilawuru kpakara mba,  
ele badnụ kweru a n'owa,  
Chiokike kwuru a la n'oligwe n'igwugwu.

## 4

*Pọlu znirni Timoti ezni*

<sup>1</sup> Enine Nso kwuru kpa o dnornu anya nụ ige ipne-aznụ nụ ele badnụ jọowhoga n'okwnata ovu snornu enine ke nooduwhu nụ nhne ele renwu ojo neezni. <sup>2</sup> Ka bu iznizni ke ele ruwhnu lawuru neezni n'aghalaghala, ele jiri rugwe bekwnu da akoniche be. <sup>3</sup> Be kwéle ele badnụ lụ nnwerne

mọbu gbọ nzi, be kanu ele badnu be ri agwna wiri, ke Chiokike keru ma ele kweru ekwe gweru otu mmamma ri, bu ele maharu ezi oka. <sup>4</sup> Kwnornu nu kpakara nhne Chiokike keru buru oma, o za ke badnu jeri, o buru nu o gweru a, tu mmamma. <sup>5</sup> Be ji ikwu-onu nu okpukpe Chiokike bita wiri nsọ.

<sup>6</sup> O buru nu i kanu rumu nda kpakara nhne ka, i joburu nye izi Karaşi Jizosi oma, nye be jiri ezi oka ke okwnata ovu nu iznizni oma ke i snornu znu. <sup>7</sup> O za nhne i ji otnutnu ruwhere etekne nu oka ele nnwerne okno badnu mee, znuhia ehni i ma i buru nye notu ogwnu Chiokike. <sup>8</sup> Kwnornu nu oznuznu ke ano-ehni nwernu iru mati, kovu omahia Chiokike bnarnu iru nu kpakara nhne, o vugwu mkwna ke budnu ka nu budnu ke jaava.

<sup>9</sup> Ka bu ikwu-onu ke be kwesiri o tukwasi ovu, ke badnu kwesiri o kweru. <sup>10</sup> Ka bu risi nhne a kwno nodoli n'ernu, naagba otu, nu olile anya ai zi nu Chiokike ke zi budnu, Nye Oznohia ke kpakara badnu, ke kakwo ke ele kweru ekwe.

<sup>11</sup> Zni kpakara nhne ka, nyee iwu ma ele badnu mee nhne i neezni. <sup>12</sup> I kwé nye obula ledna i anya kwnornu nu i bu nnwo ikoro. Kovu buru nhne atu ke ele kweru ekwe, ma n'ikwu-onu, nu budnu, nu owhnun'anya, nu okwnata ovu, nu ozi snam. <sup>13</sup> Tem m va, gweru ehni i yisi nu ogwnu nhne be gbaru n'okwukwo nsọ nu rime ogbako Chiokike, nokpo okwo, neezni nhne. <sup>14</sup> I lewhu nkesi i anya, ke be nyernu hite n'izi owhnurninya wam nga ele okno badnu tukwasiri i aka nu risi.

<sup>15</sup> Anya du i eli gbasiri kpakara nhne ka, gweru ehni i yisi neeme be ma kpakara ele badnu whnu nu i nooso oso. <sup>16</sup> Ledu anya nu budnu i nu kpakara

nhne i neezni. Gbalị neeme kpakara nhne ka, kwnornu nụ i mee kpam, i jọoznohia ẹhni i ma ele nọonu nhne i neezni.

## 5

### *Kpa a jeemesno ele badnu*

<sup>1</sup> I bígbo nye okno badnu rikne rikne, kọvu kwunu a ọka lele nụ ọ bụ nda i. Mesno rụmu ikoro lele rụmu nwene. <sup>2</sup> Mesno ele rinya okno badnu lele nụ be bụ nne i, gweru ọzi rịchna sọ rụmu oknornokno anya lele rụmu nwene i rinya.

<sup>3</sup> Lekota ele rinya nzi be nwurru ele zị nụ mkpa anya nkari. <sup>4</sup> Kọvu ọ bụru nụ nyerinya nzi a nwurru nwernu rụmu mọbu rụmu rụmu a, rụmu be beru osno mụhia kpa be kpenu Chiokike, hite n'olekasi ele mụru be anya, lele kpa ele mụru be jiri lekasi be. Ka bụ nhne nọoso Chiokike ovu n'ọnu. <sup>5</sup> Nyerinya nzi a nwurru ke nwée badnu ọbula neelekwasi Chiokike anya, neekpe okpukpe iwhnehnne nụ abali ma Chiokike yisinu a aka. <sup>6</sup> Kọvu nyerinya nzi a nwurru ke noowu budnu ke nọoso a n'ọnu nwurru ọnwu kpa ọ zị budnu. <sup>7</sup> Kanu be mee kpakara nhne ka, ma be mee nhne bụru ọma. <sup>8</sup> Ọ bụru nụ nye ọbula nwée rikne legidne ele ọro a, ke kakwo ele ezi-nụ-ọro a, nye wam gọnahorulam ọkwnata ovu, nye máa Chiokike ka nye wam mma.

<sup>9</sup> Nyerinya ke nzi a nwurru ke gbaru nri awha isunu, be gwnusi a n'esilawuru ele nzi be nwurru, nye kwesiri nzi a kwnata a ovu,\* <sup>10</sup> nye be jiri ẹnu ọma a mahia, nye nọoznu rụmu a nkari, neelekota

---

\* **5:9** mọbu nye nwernu otu nzi



ele izne nkari, snornu ele nsọ snụ ọchi be, nye neeyinu ele zị nụ mkpa aka, nọornu agịda ọnu ọma.

<sup>11</sup> Kọvu ị gbási ọwhna oknornokno nye nzi a nwurnu n'okwukwo. Kwnornu nụ nga anọ-ehni kpalizọru be, be jéenwe rikne gwuzonu Karaisi, be pio ọ gbọru nzi berere. <sup>12</sup> Be bụru ele ikpe marnu, kwnornu nụ be luluru mkwna be kweru nụ mbom. <sup>13</sup> Tụkwasi n'olu ka, be bụru ele nwée nhne be mee, be neezne n'oro n'oro noozno izno, nookwu nhne gbásila be, nookwu nhne be kwésile o kwu. <sup>14</sup> Kam kpayaru, m neeznikwa ele oknornokno ele nzi be nwurnu, be gbọru nzi berere, mụhia rụmu, legidne ọro be anya ọ zị be nyee nye irno wam oghere ọ kaja be nụ ọgbako Chiokike. <sup>15</sup> Agwna ele rinya wam snornulem Setani.

<sup>16</sup> Ọ bụru nụ nyerinya ọbula nwernu nnwerne nzi a nwurnu n'oro a, o yinu be aka, o kwé ọgbako Chiokike vuru ivu nye wam, kọvu ma ọgbako Chiokike lebna anya n'oyinu ele rinya nzi be nwurnu ele zị nụ mkpa aka.

<sup>17</sup> Ele okno badnu, ele neelegidne ọgbako Chiokike anya kwesiri be sọnu be anya okpukpu lawuru, ke kakwo ele nọokpo okwo izi ọma, neezni nhne. <sup>18</sup> Kwnornu nụ okwukwo nsọ kwuru kpa, “Ị knésni ọnu ehni ke nọzosna ikpa,” nụ “Nye ọnu kwesiri ọgwo ọnu a.” <sup>19</sup> Ị kwéko nhne ọbula be bnornu nye okno badnu, okwolem ma be nwernu ele akebne lawuru mọbu ọto. <sup>20</sup> Bigbo nye okno badnu ọbula mernu mmehie nụ ruwhnu ọhna, ma ele berere mụhia nhne.

<sup>21</sup> M noogwuzo nụ ruwhnu Chiokike nụ Karaisi Jizosi nụ ele enine izi Chiokike hōhiaru neenye i

iwu ka, b̄ita kpakara nhne ka me nyernu ì, ì lé badn̄u anya n̄u ruwhnu kpa ì neeme be.

<sup>22</sup> I méé wara wara n̄otukwasi ele badn̄u aka, ì snó ele berere n̄u mmehie be. K̄ovu b̄ita ẹhni ì nsọ.

<sup>23</sup> Ì nwóma mini kp̄oi, k̄ovu nwọ manya mat̄i kwnornu n̄u r̄uwho ì n̄u ẹhni igbugbu ì naarīa ige ọbula.

<sup>24</sup> Mmehie agwna ele badn̄u kpumernu, beru be ọsno neezne n'ikpe, k̄ovu mmehie agwna ele berere sno be n'azn̄u. <sup>25</sup> Kpam mas̄i, ẹrnu ọma wh̄yaru iwhne, ọ b̄uru n̄u be wh̄oge iwhne, be nwéé rikne kpusni be.

## 6

<sup>1</sup> Nye ọbula ke b̄u ọhi wh̄n̄u n̄u ọ n̄oso nye nwe a anya lele kpa o kwesiri, ma be gharu ọ kaja r̄ewhna Chiokike n̄u iznizni a. <sup>2</sup> Ele ọhi ke ele nwe be kweru n̄u Chiokike lédna be anya, kwnornu n̄u be b̄u r̄umu nda. Tn̄unuma, be rn̄unu be ẹrnu ka mma kwnornu n̄u ele neerih̄ia mbnarna n'ẹrnu be b̄u ele kweru ekwe, ele be wh̄n̄urnu n'anya. Ka b̄u nhne ì kwesiri neezni, ma be neeme mas̄i be.

### *Ọwhnu ìwai n'anya*

<sup>3</sup> Ọ b̄uru n̄u nye ọbula neezni iznizni aghalaghala, ke kwéle n̄u n'iznizni ke n̄otu ogwnu Chiokike n̄u iznizni ke z̄i snam ke Nyenwe āi Jiz̄osi Karāisi, <sup>4</sup>nye wam b̄u nye oknomokno. K̄ovu ọ máa nhne ọbula. Echiche a b̄u ọma, ka noodubna n̄u okno ọka, n̄u ọwho-anya, ọlu ọgwnu, ọka ọjo, anya ọjo, <sup>5</sup>ọdogbuta z̄i n'esilawuru ele ovu ọjo, ele tuwhuru ezi ọka. Be neeche n̄u okpenu Chiokike b̄u apna be jeeji neenweh̄ia iru ke be.

<sup>6</sup> Kọvu okpenu Chiokike nụ ruwho ojiji bnarnụ mbnarna k'agida. <sup>7</sup> Kwnornu nụ ọ zá nhne a vuru va n'ọwa, a nwée masị rikne vuru nhne ọbula whọga nụ rime a. <sup>8</sup> Kọvu ọ buru nụ a nwernu wiri oriri nụ iwo o kpusni ẹto aị, ka kwesiri o ji aị ruwho. <sup>9</sup> Ele noopio ọ buru ele eze naadnabna nụ rime ọrnurna nụ mbịta, nụ agida nhne iwh-nirniwhno ke naakpakna be ẹhni, ke noodubna ele badnụ nụ mwhu. <sup>10</sup> Kwnornu nụ ọwhnun'anya iwai bụ mgbaregwugwnu kpakara nhne ojo zị ọdo nụ ọdo. Agwna ele noopio iwai k'agida kpawhuru n'okwnata ovu, gweru agida nhne igbugbu mekasi ẹhni be ẹhni.

*Lụ ọgwu ọma  
ke ọkwnata ovu*

<sup>11</sup> Kọvu, jị badnụ ke Chiokike, gbanahọru kpakara nhne ka. Tnụnuma, snornu ome mma, ọtu ọgwu Chiokike, ọkwnata ovu, ọwhnun'anya, ndidi nụ ọzi wọhnerne. <sup>12</sup> Lụ ọgwu ọma ke ọkwnata ovu. Jikwasi bụdnu kwó okwo aka ke Chiokike nyernu i nga i kwuhịaru ọkwnata ovu i nkari nụ ruwhnu agida ele akebne. <sup>13</sup> Nụ ruwhnu Chiokike nye neenye kpakara nhne bụdnu, nụ Karaịsi Jizọsi, nye gbarụ akebne ọma nụ ruwhnu Pọntios Pailleti, m neenye i iwu, <sup>14</sup> bịta nhne ka ma i gharụ o nwe ntupo nụ ọtna tem Nyenwe aị Jizọsi Karaịsi va, <sup>15</sup> nye Chiokike jeegweya n'ige ke a, nye nwe ngozi, nye nẹchi kpọi, Eze kakwo ele eze, nụ Nyenwe kakwo ele nwe. <sup>16</sup> Chiokike ke zị bụdnu ọkwnukokwnu, nye wu n'iwhne ke ọ zá nye nwernu rikne vadu ndundu, nye ọ zá nye whnuleru anya,

mọbu whnụli a anya, ọson'anya nụ rikne bụru ke a tim tọm. Amim.

<sup>17</sup> Dọ ele eze ke ọwa ka aka nụ nsni be bụo ele oknomokno, be tükwasi ẹkwnu be ovu, ke jáazi tim tọm, kọvu be tükwasi Chiokike ovu nye naasama aka a neenye aị kpakara nhne bụru ọma ke a neeri.

<sup>18</sup> Dọ be aka nụ nsni, be mee nhne bụru ọma, be bụru ele barụ aba n'ome nhne bụru ọma, ele ovu ọma ke neekesi ele badnụ nhne be nwernu. <sup>19</sup> Be mee kparam, be nọotu ntụ-eli bụru ọma ke zị kwem n'ige naava, ma be nwehịa bụdnu ke bụ ezi.

<sup>20</sup> Timoti, legidne nhne be yisiri i n'aka anya nkari. Whọga nụ nhne ọbula ke neegweya ikwu-ọnu ke neemegidne ogwnu Chiokike nụ ọka iwh-nirniwhno ke nụ lele nụ o nwernu akoniche, kọvu o nwée. <sup>21</sup> Agwna ele badnụ snornu a kpawhu n'okwnata ovu.

Oru Chiokike dazinu anụ.

## **Tesitamenti Ikne n'O<sub>nu</sub> Ikwere** **New Testament in Ikwere**

copyright © 2010 Wycliffe

Language: Ikwere

Translation by: Wycliffe

Ikwere – (ikw) Nigeria

The Iwerre language of Nigeria can also be spelled Ikwere and Ikwerri. This language is spoken primarily by the Ikwerre people who live in the Rivers State of Nigeria and is one of the many ethnic groups in the Niger Delta. There were more than 23,000 speakers of this language in 1973. There is also a considerable local interest in literacy and grammar.

### **Copyright Information**

© 2010, The Nigeria Bible Translation Trust. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789076369

New

### **The New Testament**

in Ikwere

© 2010, The Nigeria Bible Translation Trust.  
**All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 11 Nov 2022 from source files dated 29 Jan 2022

c17ee3a1-1c7a-5c05-8e0f-5043e8228d89